


Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > MARCABRU > EDIZIONE > Soudadier, per cui es jovens > Tradizione manoscritta > CANZONIERE E > Edizione diplomatica

Edizione diplomatica



[c. 155B]

Marcabru

Soudadier percui es iouens mante(n)gutz.
eiois eisamens. entendetz los mal argu-
mens. de las falsas putas ardens. en puta
qui si fia. es hom traitz. lo fols quan cui-
daria. es escarnitz.

S alamos ditz (et) es guirens. calprim es dou-

image not found
<https://letteraturaeuropea.let.uniroma1.it/sites/default/files/156A.jpg>

[c. 156A] sa com pimens. mas alpartir es plus coze(n)
amara cruels ecozens. tan sap detricha-
ria. lapecairitz. que cel que ableis se lia.
senpart marritz.

De uimerra porta semblan. ques serp
detras leo denan. bosso elmei quel fai tria(n).
de caual bai edaurifan. qui depenh la
bestia non es faillitz. daquo quentendia
dela trairitz.

Puta sembra leo daitan. feres dergueill
alcomensan. mas pueis quan na fag son
talan. tro ques humil nos prezun gan.
q(ua)r souen per putia put lamendritz. com
fai per bocaria box poiritz.

Entalant ai q(ue) uos d(e)cli. lus d(e)puta ser-
penti. q(ue) pana lauzel son pouzi. sap lau-
zelo ablui safri. can la feita bauzia de
sos noiritz. aten com per leis sia mortz e
delitz.

Sais senatz lai nosenpen. si lo ten car
eluil onra ben. quan laura fag deblanc
moren. nol torn deroal enbazen. totz es
degarsonia. qui met gran manentia.
pel cap puditz.

Eisame(n) qui sec son trai. fai putana del
ric frairi. q(ua)n na trag labresca efaill li.
fai de la lengua bossi. alfol ben es degra(n)
folia sals egueritz. quis destol de sa uia.
ans quelal fitz.

Puta es detan mal engenh. cab dous
parlar cueill (et) asenh. totz cels que pot
metren congrenh. quan lauers faill
de si lenpenh. donx qui de sa paria es.
encobitz. souen muda ecambia lenfoletitz.

Puta per uzatges defen. alric si gran
loguier non pren. lai on larbalestra deste(n).
on sap lopa eui aten. molt fai gra(n) glo-
tonia. latrichairitz. quan los pros laisa
etria los achaitz.

- letto 369 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-860>